

Senaatti-kiinteistöt (Senaatti-giddodagat) álggaha Sámi oahpahusguovddážis vuođđodivvun- ja ođasmahttinbargguid

Sámi oahpahusguovddáža (SOG) vuođđodivvun- ja ođđa Paja/Bádji-vistti huksenprošeakta Anáris ovdána plánaid mielde. Prošeavtta hukseheaddji Senaatti-kiinteistöt ja huksen- ja váldoagoartaváldin válljejuvvon Juto Rakennus Oy vuolláičalle prošeavtta agoartasoahpamuša, ja huksenbarggut álggahuvvojít dalán.

Skuvlla váldovistti oasil prošeavttas bargojuvvojít sihke divvun- ja buoridanbarggut. Teknikalaš divvunbargguid lassin skuvlaviesus ollašuhttojít doaimmalaš nuppástusat, omd. oahpahuslanjaid lonohallamiiguin geahččalit vástidit buorebut ođđa oahppanbirrasiid góibádusaide. Maiddái ovdamearkka dihte náhkkekidšunlanjat ođasmahttojít ollásit. Náhkkekivšohahkii ja metállabádjái huksejuvvo ođđa, sullii 240 brm2 (bruttoviidotat) sturrosaš Bádji-visti. Skuvlla váldovistti huksenprošeavttas biddjo deaddu earenoamážit buori sisáimmu sihkkarastimii. Nuppástuhhttibarggut ollašuhttojít muttuid mielde nu, ahte oahpahus lea jođus čađa gaskka prošeavtta áigge. Nuppástuhhttibarggut álget álgogease 2023, ja buot lea gárvvis álgojagi 2025.

“Mii illá mášsat vuordit oažžut ođđaáigásaš, vuogas ja maiddái dearvvasvuohedorvvoláš sajiid. Leat sirdásan eret remontta ovddas gaskaboddasaš bargolanjaide, ja dat lea mannan bures. Juohkehažžii lea gávdonn bargolatnja, ja bargit lea oassálastán aktiivvalaččat fárrenordnemiidda. Huksenbarggut dagahit vehá nuppástusaid oahppolágadusa árgabeavái. Ovdamearkka dihte biebmobálvalussan fállat studeanttaide dás duohko iđitborramuša, beaiveborramuša ja nealgádaga”, rektor **Eeva-Liisa Rasmus-Moilanen** muitala.

Huksenprošeavttas ođasmahttit maiddái SOG bargolanjaid ja ollašuhttit huksen-, LVI/LČÁ- ja šleáđgateknihkalaš divvun- ja ođasmahttindoaimmaid. “Earenoamážit giddet fuomášumi vuogas sisbirrasa sihkkarastimii, čuovggaide ja akustikhka- ja dorvvolášvuhtačovdosiidda nugo maiddái energijabeaktivuhtii. Prošeavtta áigge čuovvut maiddái čitnaluoddameari ja ee. giddet fuomášumi burgimis čoggon materiálaid ođđasitatnui Senaatti birasulbmiliid mielde” dadjá Senaatti-kiinteistöt huksehanhoavda **Miikka Teppo**.

SOG prošeavtta válđo- ja arkiteaktaplánemis vástida arkiteakta **Hannu Voutilainen**, Arkkitehtisuunnittelnu Voutilainen Oy Roavvenjárggas ja hukseheaddjin doaibmá Senaatti-kiinteistöt. LVI/LČÁ-agoartaváldin doaibmá LVI-Vanhatalo Oy ja šleáđgaagortaváldin Keskus-Veljet Oy.

Senaatti-kiinteistöt stivra dagai prošeavtta investerenmearrádusa guovvamánuš 2023. Dállu ja sajit leat láigolačča, Sámi oahpahusguovddáža geavahusas. Huksenprošeavtta golluárvvoštallan lea 10,8 milj. euro (alv 0 %).

Sámi oahpahusguovddáža (SOG) váldovisti (2 731 brm2) lea Anáris. Váldoskuvlla sajt leat váldon atnui ja-giid 1981, 1992 ja 2018, goas gárvanii maiddái skuvlla viiddidanoassi, ng. “Liissábealli” (836 brm2). SOG:is leat sullii 150 studeantta, muhto earálágan skuvlendoaimmaid mielde studeantalohku šaddá jahkedásis op-palaččat s. 1 500.

Lassidiedut:

Senaatti-kiinteistöt: huksehanhoavda Miikka Teppo, miikka.teppo@senaatti.fi tel. 040 180 0929

SOG: rektor Eeva-Liisa Rasmus-Moilanen eeva-liisa.rasmus-moilanen@sogsakk.fi tel. 050 571 9562